

**Kukkunersiusut naalagaaffimmit akuerisat aamma nalunaarsorneqarsimasut
qularnaveeqqusiisarnerat akisussaanermullu sillimmasiisarnerat pillugit Kalaallit
Nunaannut nalunaarut**

Kukkunersiusut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut nr. 623-kut 23. juni 2008-meersukkut atortuulersinnejartumi, § 3, imm. 2 tak. imm. 1, nr. 6, naapertorlugu aalajangersarneqarpoq:

Qularnaveeqqusiisarneq

§ 1. Kukkunersiusoq naalagaaffimmit akuerisatut imaluunniit nalunaarsorneqartutut invertinneqarsinnaassappat piumasaqaataavoq inummit pingatsiuttumit (qularnaveeqqusiisusoq) nalunaaruteqartoqassasoq (qularnaveeqqusiissut) pineqartup nammineq akiligassalittut akisussaaffigalugit akilissagai aningaasatigut piumasaqaatit, kukkunersiusut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut atortuulersinnejartumi, § 1, imm. 2 naapertorlugu suliassanik suliaqarnerup malitsigisaanik piumasaqaataasinnaasut.

Imm. 2. Qularnaveeqqusiissut tunniunneqassaaq Erhvervs- og Selskabsstyrelsimi aalajangersarneqartutut iluseqartillugu.

Imm. 3. Qularnaveeqqusiissut Erhvervs- og Selskabsstyrelsimi nalunaarsorneqassaaq.

§ 2. Qularnaveeqqusiissutip imarisani naapertorlugu qularnaveeqqusertittoq qularnaveeqqusiisumut toqqaannartumik piumasaqarsinnaatippaa aamma killilersuutit nalunaarut una naapertorlugu akuerisat saniasigut killilersuutitaqartinneqassanngilaq.

§ 3. Qularnaveeqqusiissutip matussusissavai piumasaqaatit, pissutsinut § 1, imm. 1-imi pineqartunut tunngasut, ullormiit qularnaveeqqusiissutip atortuulerfianiit atorunnaarnissaatalu tungaanut (qularnaveeqqusiissutip atuunnera) saqqummiunneqartut.

Imm. 2. Qularnaveeqqusiissut aatsaat atorunnaarsinnejarsinnaavoq atorunnaarsitsinerup Erhvervs- og Selskabsstyrelsimi nalunaarsorneqarneratigut. Nalunaarsuisoqassaaq qularnaveeqqusiisuu sup noqqaassuteqarneratigut ulloq aalajangersimasoq, noqqaassutip Erhvervs- og Selskabsstyrelsimi tiguneqarneraniit qaammammiit ataatsimiit siusinnerusukkut atuutilersinnaanngitsoq, aallarnerfigalugu sunniuteqartussamik. Qularnaveeqqusiisuu sulli piumasarisinnaavaa qularnaveeqqusiissut noqqaassutip Erhvervs- og Selskabsstyrelsimi tiguneqarnerata aqaguani atorunnaarsinnejassasoq, noqqaassut kukkunersiusup naalagaaffimmit akuerisap aamma nalunaarsorneqarsimasup peqquserluuteqarsimaneranik pissuteqarpat.

Imm. 3. Imm. 2 naapertorlugu nalunaarsuinissamik noqqaassut Erhvervs- og Selskabsstyrelsimit aalajangersarneqartutut ilusilerlugu tunniunneqassaaq.

§ 4. Qularnaveeqqusiissut aningaasat tungasigut killilerneqarsinnaavoq imaalillugu, piumasaqaatit tamarmiusut qularnaveeqqusiissutip atuunnerani ukiunut ataasiakkaanut tamanut tunngasut aningaasanik aalajangersimaseunik, kukkunersiusumut naalagaaffimmit akuerisamut imaluunniit nalunaarsorneqarsimasumut ataatsimut minnerpaamik 500.000 koruuniussanik, taamaallaat matussuserneqartussanngorlugit.

Imm. 2. *Imm.* 1-imi aningaasanut killissarititaq millisinneqassanngilaq, naak qularnaveeqqusiissuteqartoqaraluartoq ukiumiit ataatsimiit sivikinnerusumik.

§ 5. Qularnaveeqqusiissut piffissap tungaatigut killilerneqarsinnaavoq imaalillugu, taamaallaat matussuserneqartussangorlugit piumasaqaatit, suliassap imaluunniit pissutsip piumasaqaateqarnermut aallaaviusup naammassineqarneraniit kingusinnerpaamik ukiut tallimat qaangiunneranni qularnaveeqqusiisuusumut piumasaqaatigineqartut.

Imm. 2. Piffissarititaq imm. 1-imiittooq qularnaveeqquserneqartup kukkunersiuismik eqqartuussisutigoortitsineratigut atorunnaarsinneqassaaq, matumunnga ilanggullugu maalaarummik disciplinærnævnimut (Kukkunersiuisoqatigiit aalajangiisartut), kukkunersiuisut naalagaaffimmit akuerisat aamma nalunaarsukkat pillugit maalaarutnik kukkunersiuisut naalagaaffimmit akuerisat aamma nalunaarsukkat pillugit inatsit Kalaallit Nunaannut kunngip peqqussutaatigut atortuulersinneqartoq naapertorlugu suliaqartartunut, tunniussaqarnermi.

§ 6. Qularnaveeqqusiissut akisussaatinneqarnissamut sillimmasiisummut § 8-mi taaneqartumut naleqqiullugu killilerneqarsinnaavoq, taamaalilluni piumasaqaatit qularnaveeqqusiisummut matussuserneqassanatik, akisussaatinneqarnissamut sillimmasiissutitigut matussusiinnginnejtaassumap aningaasatigut killiliineranik taamaallaat pissuteqarpat.

§ 7. Qularnaveeqqusiisuusoq sillimmasiisarfüssaaq, aningaaseriviussaaq imaluunniit aningaaseriveqarfüssaaq alla, qularnaveeqqusiissutai taamatulli qularnaveeqqusiisinnaassusillit.

Imm. 2. Qularnaveeqqusiissat annertussusissaat inatsit Kalaallit Nunaanni atuuttut malillugit naleqqussaavigineqassapput. Qularnaveeqqusiissutit pillugit eqqartuussivikkut suliassiissutit Kalaallit Nunaata Eqqartuussisuuneqarfiani suliassiissutigineqassapput.

Imm. 3. Taamaattoq kukkunersiuisunut ataasiakkaanut qularnaveeqqusiissutit aaqqiissutit ataatsimoorussatut kukkunersiuisut arlallit peqataaffigisaattut pilersinneqarsimappata qularnaveeqqusiisuusoq aningaasaateqarfüssinnaavoq namminersortoq imaluunniit peqatigiiffiusinnaavoq. Piumasaqaataavorli aningaasaateqarfíup imaluunniit peqatigiiffíup neriorsuutaa imatut saqqumitigissasoq imm. 1-itulli ittumik qaqgukkulluunniit qularnaveeqqusiissuteqartoqarsimasoqarluni. Tamatumannga Erhvervs- og Selskabsstyrelsi naliliisuussaaq.

Akisussaatinneqarnissamut sillimmasiineq

§ 8. Kukkunersiuisoq naalagaaffimmit akuerisatut imaluunniit nalunaarsorneqarsimasutut invertinneqassappat piumasaqaataavoq sillimmasiisarfímmiit nalunaarutigineqarsimassasoq kukkunersiuisartoq pineqartoq akisussaatinneqarnissamut sillimmateqartoq aamma taarsiisussatut akisussaaneq, kukkunersiuisup naalagaaffimmit akuerisap imaluunniit kukkunersiuisup nalunaarsukkap nammineerluni imaluunniit allap, kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut atortuulersinneqartumi, § 1, imm. 2 malillugu suliassanik suliaqarneranut atatillugu kukkunersiuisup akisussaaffigisaata, mianersuaalliorluni iliuuseqarneranut sillimmasiisarfík ajoquserneqartumut akisussaasuusoq.

Imm. 2. Sullivinni, tak. kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi Kalaallit Nunaannut kunngip peqqussutaatigut atortuulersinneqartumi § 12, imm. 1 aamma 8, qulinik amerlanernilluunniit kukkunersiuisunik naalagaaffimmit akuerisanik imaluunniit nalunaarsorneqarsimasunik sulisulinni akisussaatinneqarnissamut sillimmasiissutit imm. 1 naapertolugu ukiut qularnaveeqqusiiffiusut

tamaasa minnerpaamik 20 mio. koruuninik ataatsimut matussusiissutaasussanik aningaasartaqassapput.

Imm. 3. Sullivinni kukkunersiusunik naalagaaffimmit akuerisanik imaluunniit nalunaarsorneqarsimasunik qulit ataallugit sulisulinni akisussaatinneqarnissamut sillimmasiissutit matussusiissutaasussamik aningaasartaqassapput ukiut qularnaveeqqusiiiffiusut tamaasa minnerpaamik 2 mio. koruunit kukkunersiusut naalagaaffimmit akuerisat nalunaarsukkallu sullivimmi tessani sulisut katillugit amerlassusaannik ganngerlugit, taamaattoq tak. imm. 4.

Imm. 4. Sullivinni kukkunersiusunik naalagaaffimmit akuerisanik imaluunniit nalunaarsorneqarsimasunik arfinillit ataallugit sulisulinni imm. 1 naapertorlugu akisussaatinneqarnissamut sillimmasiisoqarsinnaavoq aningaasartai matussusiissutaasussat ganngernagit, kukkunersiusartumullu naalagaaffimmit akuerisamut imaluunniit nalunaarsukkamut ataatsimut ukiut qularnaveeqqusiiiffiusut tamaasa minnerpaamik 2. mio. koruuninik matussusiissutaasussamik aningaasartalinnik. Aningaasat matussusiissutaasussat taakku sillimmasiisarfiup ajoqusernermut ataatsimut qaffasinnerpaatut akiligassarai, kukkunersiusartoq naalagaaffimmit akuerisaq imaluunniit nalunaarsugaq ataaseq arlallilluunniit ajoqusernermut pineqartumut taarsiisussatut akisussaagaluarpatluunniit.

Imm. 5. Nalunaaruteqartoqassaaq Erhvervs- og Selskabsstyrelsimit aalajangersarneqartutut iluseqartillugu.

Imm. 6. Nalunaarut Erhvervs- og Selskabsstyrelsimi nalunaarsorneqassaaq.

§ 9. Kukkunersiusunut ataasiakkaanut § 8, imm. 1 naapertorlugu akisussaatinneqarnissamut sillimmasiissutit ataatsimoorussamik aaqqiissutaappata, kukkunersiusarfiiit arlallit kukkunersiusartullu qulingiluanit amerlanerusut peqataaffigisaat, akisussaatinneqarnissamut sillimmasiissutit ukiumut sillimasiiffiusumut minnerpaamik 20. mio. koruuninik matussusiissutaasussamik aningaasartaqassapput. Ataatsimoorussamik akisussaatinneqarnissamut sillimmasiissuteqartoqarluni aaqqiissuteqartoqassappat piumasaqaataavoq, sillimmasiissutit aningaasartai ukumi sillimasiiffiusumi ajoqusernerup ataatsip arlallilluunniit kingunerisaanik nungussappata atuutilersitseqqinnissaannut matussusiineq sillimmasiissutinut ilaassasoq (policedækket reinstatement).

§ 10. Ajoqusersimasumut tunngatillugu akisussaatinneqarnissamut sillimmasiissutit aatsaat unitsinnejarsinnaapput Erhvervs- og Selskabsstyrelsimit tamatuminnga nalunaarsuisitsinikkut. Nalunaarsortinnej sillimmasiisarfiup noqqaassuteqarneratigut pissaaq atuuttussanngorlugu ullormiit aalajangersimasumiit, noqqaassutip Erhvervs- og Selskasstyrelsimi tiguneqarneranit qaammammiit ataatsimiit siusinnerusinnaanngitsumiit.

Imm. 2. Imm. 1 malillugu nalunaarsuinissamik noqqaassuteqartoqassaaq Erhvervs- og Selskabsstyrelsimit aalajangersarneqartutut iluseqartillugu.

§ 11. Sillimmasiisarfik Kalaallit Nunaanni Danmarkimiluunniit najugaqarfekassaaq imaluunniit Kalaallit Nunaanni Danmarkimiluunniit sillimmasiisarfimmik ingerlataqassaaq immikkoortortaqarfik, Kalaallit Nunaanni Danmarkimiluunniit pilersinnejarsimasoq, aqqutigalugu.

Imm. 2. Sillimmasiissutit annertussusissaat inatsisit Kalaallit Nunaanni atuuttut malillugit naleqqussarneqassapput.

Atortuulersitsineq il.il.

§ 12. Nalunaarut atortuulissaq ulloq 1. august 2008.

Imm. 2. Kukkunersiusut naalagaaffimmit akuerisat aamma nalunaarsorneqarsimasut qularnaveeqquisiisarnerat pillugu nalunaarut nr. 767, 22. august 1994-imeersoq naapertorlugu aningaasatigut piumasaqaatinut sillimmasiineq (akisussaaneq aamma qularnaveeqqut) atuutiinnassaaq ulloq atorunnaarfiusussaq sillimmasiinissamik isumaqatigiissummi isumaqatigiissutigineqarsimasoq tikillugu, sivisunerpaamilli ulloq 1. august 2009-p tungaanut.

Erhvervs- og Selskabsstyrelsi, ulloq 28. juli 2008

OLE BLÖNDAL

/Grethe Krogh Jensen